

# 2 Timoteo

---

Yaižézé ac.

**1** <sup>1</sup>Anutuac ewa siŋ niŋac Kristo Yesuac qeriaiguc kekecac sisipac ac hezac imi méndacma Kristo Yesuac Méliméli ic waŋi Paulo neŋ mia <sup>2</sup>naŋ sorocna Timoteo guac muru kiwi yomi ogénzua. Maŋgocnina Anutu zéma miŋ kewunina Kristo Yesu iorarunec ewa hia zéma wésé niniŋ zéma luaenéŋ hegémnac.

**Miŋ kewuac gamuga ménda nimmu.**

<sup>3</sup>Ni siŋi kaiwe séc zéwelecma imuac suraiguc ménda misimanec niŋgéŋanzua séc yanda hécna ionac murunec hénima hama deguc ewa qerinina lalacnec mepésimianziŋ Anutu iwac mia ewa hia ac ézéanzua. <sup>4</sup>Waŋu ewa hia kuney yanda nimmaŋ niŋac guac kic masiga niŋqelima kic tanecga hémmaŋ niŋac waŋanzua. <sup>5</sup>Imi mia guac ewa qerigaiguc ninzéh ninzéh solaŋa hezac imi niŋqelima imuhuc waŋanzua. Ninzéh ninzéh imi mia walac awuga Loisi zéma neŋgocga Yunike iorac ewa qerigiraiguc heyec imuhucyanéh guaru acguc momacnec hezac imi ninzéhngézua. <sup>6</sup>Imuac ni mérana orucgaiguc haiwa Anutunéh ai memecac sese géŋec imi héiososoc mena geric bélaŋaguc wammac zénimma gi imuac nimbésémaŋ niŋac wamma ac yomi gézézua. <sup>7</sup>Uŋa Anutunéh nénécmiyec imi bac yandi yandiac uŋa qahac, néŋ kuc zéma goi héihéi zéma niŋgésigési galeŋ meamuwiŋac uŋa wanzac. <sup>8</sup>Imuac gi imi miŋ kewuninawac héipuc ac imuac zéma miŋ kewuninawac wamma hésa ic kecza nuac momacnec gamuga ménda nimbésémaŋ, néŋ Anutuac kuhanéh buŋa suruc hiabiawac zéra béraiguc toroqe némbésémaŋ. <sup>9</sup>Anutunéh mehiaru nénécmima ac téréyanéh héihéré nénécmiyec. Waŋu imi mia wawaŋ memenina niŋac qahac, néŋ eŋeya ewa siŋ zéma nalé ménda hénima heyecnec becaru Kristo Yesuac wamma hemiyec ewa hiaya imuac mia wamma imuhuc waŋ nénécmiyec. <sup>10</sup>Waŋu imuac héla imi nalé yomuaru aŋgéh titi miŋina Kristo Yesunéh mayu hicŋitegirec. Inéh mia humuc néhélima kekec zéma haka hehe selia imi buŋa suruc hiabiaiguc meu nénémiyec. <sup>11</sup>Waŋu ni imi buŋa suruc hiabia imuac

wamma zézé ic zéma Yesuac Méliméli ic zéma kiwi ic kecmañ niñac kumunéñec. <sup>12</sup>Wañu ni ninzéñgé mima keczua iwac hénia niñasarizua. Imuac moczoñ yanda mériaiguc haiwa hezac imi inéñ kuhanéñ hiabianec galeñ gémanec keru nalé yanda ducñimac imi niñhumuzua. Hénia imuac niñac ni zéra waiya qahaiguc kecma gamuna ménda ninzua. <sup>13</sup>Gi imi Kristo Yesuac qeriaiguc ninzéñ ninzéñ zéma goi héihéi késa keczañ imuaru héima namma ac héla nuac murunec niññec imi méndacma wambésémañ. <sup>14</sup>Uña téréya qerininaiguc kecanzac inéñ nanñgégéñu ac héla eeyaguc méragaiñguc haigéñi imi galeñgégwésémañ.

<sup>15</sup>Asia baeciguc ic embac keczu imi moczoñ wainéndacgic imi nindaczañ.<sup>a</sup> Figelo zéma Hemogene imi ereñ acguc ic imuhucya ionac sugcinaiguc keczaoc. <sup>16</sup>Miñ kewunina imi Onesiforo iwac ama geric momac héra goigina héimac niñ wanñua. Inéñ mia hatac sasala ségiségi mihicñi némma hésa ic kecba nuac gamuya ménda nimma <sup>17</sup>Roma hakerec nalé imuaru seliseli wamma hocma mihicñi néñec. <sup>18</sup>(Miñ kewuninanéñ nimmiyu nalé yandaiguc miñ kewuninawac murunec goi héihéi mihicñimac niñ wanñua.) Inéñ Efeso baeciguc welen qeque ai réwéria dimuhucya meyec imi gi geñgaoc ninzañ.

### Kristo Yesuac téñgij ic hiabia.

**2** <sup>1</sup>Nañna, imuac gi Kristo Yesuac qeriaiguc ewa hia hezac imuac qeriaiguc seliseli wamma <sup>2</sup>neñ zéwa gi héipuc ic sasala ionac kicginaiguc ninnec imi ic tosara keñhéi hahéi qahac énézéna ieneñ imuhucyanec ic embac tosara ku énécmimuac séc wammac. <sup>3</sup>Imuac gi Kristo Yesuac téñgij ic hiabia ésécñec niguc mena mewa wamma zéra waiya qahaiguc seligima kecbésémañ. <sup>4</sup>Téñgij ic kecma keñha wañanzu imi eneñ qutulañgé énécmima téñgij ic qac buña énécmiyec i ségiségi mihicñi mimu niñac eñañ kekecginawac ainéñ ménda qaté énécmiyu kecanzu. <sup>5</sup>Méñ ogicqogic ariac mema hénia zawéya hezac imi logimaciguc oruhaiguc ic kawaliac opoc méñ ménda haimimu. <sup>6</sup>Ai ic méñ ai geriwiguc meanzac iminéñ imuac héla walac memacac hezac. <sup>7</sup>Ac gézézua imi qeriganéñ nimbésémañ, miñ kewuninanéñ ai hénia héniaiguc niñtegc qinñtegc haigémmac.

<sup>8</sup>Buña suruc hiabia gézéwa ninnec séc Dawidiac qeli Kristo Yesu humuc igucñec meqelimiyu yarec i niñqeliwésémañ. <sup>9</sup>Buña suruc hiabiawac niñac wamma ni képésic ic ésécñec señ hésanéñ qaté némmuac séc zéra béra mihicñi néñgic, néñ Anutuac ackuazéc imi qatémuac séc qahac. <sup>10</sup>Imuac ni ic embac Anutunéñ megési énécmiyec ionac niñ wamma iwawai moczoñ bisiqatéñ wañanzua. Imi mia ieneñ

<sup>a</sup> 1:15 Paulonéñ Roma baeciguc aciguc opocgic eñec nalé imuaru héniaorij Asia baeciguc kecgic ieneñ héipuc ménda wammigic imuac niñac imuhuc zézac.

acguc Kristo Yesuac qeriaiguc aŋgén titi hakaya hezac imi zéma edamuya tetecgia qahac imi momacnec énécmiyu memu niŋac imuhuc waŋanzua. <sup>11</sup>Ac yomi hélaguc, nini Miŋ Kewuninaguc momacnec humuziŋiguc imuhucyanec i guc momacnec qelima kecbiŋ. <sup>12</sup>Qeŋzeŋ manzeŋiguc meseliwiŋiguc momacnec ic kewu wamma kecbiŋ. Waŋu miŋ kewunina qaecgé miwiŋiguc i acguc qaecgé nénécmimac. <sup>13</sup>Nini ménzé ménzé wambiŋac séc, néŋ inéŋ eŋeya qaecgé amumacac séc qahac, imuac niŋ nalé séc ménzé ménzéya qahac kecanzac.

### Ai ic Anutunéŋ niŋmimia.

<sup>14</sup>Eluŋ unuwac niŋac, gi ac imi héiqeli énécmima acac zééŋ zéma ménda wammu niŋac Anutuac<sup>b</sup> kiwaiguc selianec énézéna. Haka imuhucya imi naŋgé énécmimacac séc qahac, néŋ nénéwécgeŋac ac imuhucya ninzu i mebiri énécmianzac. <sup>15</sup>Gi imi ac héla imi dindiŋanec niŋtegicma ai ic gamu qeqeya qahac zéma niŋgémmacac séc, Anutuac wéséyaiguc geŋga mihični amumaŋ zé nimma seliseliiguc aiga mewésémaŋ. <sup>16</sup>Ac biria gorosoŋa zégic néŋgacma kecbésémaŋ. Ac imuhuc waŋanzu imi eneŋ keŋkecma keŋkecma iwawai eeyaguc qahac imuac mia keremmu. <sup>17</sup>Acginanéŋ wizi selia ésécnec saima kemmac. Ic imuhucya ionac sugginaiguc Humeneo zéma Fileto keczaoc. <sup>18</sup>Humuc igucnec yayac imi bec hičniyu tecgéyec zéma ac héla imi zésigima énézéyic ic tosara ionac ninzéŋ ninzéŋgina melemma bacgéanzac. <sup>19</sup>Néŋ Anutuac séraŋ selia imi asé kiwiya yomuhucyaguc hiŋgac seligima nanzac. Miŋ kewuninanéŋ eŋeya buŋahéra inic tegicanzac. Waŋu mén yomuhuc; Miŋ kewuninawac qara qacma kecanzu séc biria héŋacya memu. <sup>20</sup>Ama kewuyaiguc zéic goli zéma siliwanéŋ memeya zéma zéic icnéŋnec memeya zéma baecnéŋnec memeya momacnec taczac. Taru zéic tosara imi ai eeyagucac késaanzu, néŋ tosara imi ai eŋomiawac késaanzu. <sup>21</sup>Imuac ménŋénéŋ mén haka imuhucya zuac amuma lalacnec kecmac imi zéic eeyaguc éséc wammac. Imuhuc waŋu miŋ kewuginanéŋ késamacac séc zéic téréya wammac. Téréya waŋu ai hiabia hénia héniaiwac haiyu mambéc kecmac. <sup>22</sup>Waŋu gi imi sac qeliac séwiac siŋ imi qiziŋigéma qeri lalacnec miŋ kewuninawac qacmianzu iniguc momacnec haka solara zéma ninzéŋ ninzéŋ zéma goi héihéi zéma luae niŋac méndacma kemmu. <sup>23</sup>Waŋu ac sicsaocya zéma ac qelaŋawac zééŋ zéma haka imi waina keŋu. Ac imuhucya igucnec tualefic acnéŋ hičniŋianzac. <sup>24</sup>Miŋ kewuninawac welen qeqe ic imi, acnéŋ ménda euma, ic embac moczoŋ ionac gum bénzénzéŋ wamma, hiabianec ku énécmima, haka biria waŋgic kileŋ bisiqatéŋ waŋ énécmianzac. <sup>25</sup>Waŋu ic tosara eneŋ ac qeqe waŋgic qeri bénzéŋiguc pakeŋ ac waŋ énécmina. Anutu

<sup>b</sup> 2:14 Kiwi méraginanéŋ ooya tosaraiguc Miŋ kewu zéma Kristo ogic hezac.

eņeyaoc qerigina melenj énécmimaņ zé nimma niņ énécmimaciguc ac héla niņtegicmu. <sup>26</sup> Waņu qerigina béréņgėyu Biria miņinawac ac bétacya zéma iwac ewa siņ qaté énécmima hezac imi hetecgé amuma néņgacmu.

**Nalé tetecgiaiguc ic embac ionac kekec tanera imi dimuhuc wamma.**

**3** <sup>1</sup> Nalé tecgėmaņ zé waņu yéwéri naléya imi hamac. <sup>2</sup> Ic embac ienej eņaņ sac siņniņ waņamuma soukiwawac siņ yanda nimma séwi eņeņ wamma tétéc qeqe wamma zébiri qébiri wamma neņgoc maņgoc ac qeqe waņ érécmima, nema nelumma, ee héihéi qahac kecma <sup>3</sup> goi héihéi qahac kecma kėpésic ménda wai amuma ac zéráguc kuaiguc haihai wamma qeri siņgina ménda helanzima tiktuk wamma iwawai hiabiawac mézétiti wamma <sup>4</sup> andé qeamuma luaeguc ménda mambéc kecma eņeya meyacamuma Anutuac siņ qahac, néj néwécgeņaiguc eņeya séwiac siņ niņac wamma <sup>5</sup> Anutu ee héihéi wammimia tanec kecma Anutu ee héihéi imuac kuha imi qaecgéma kecanzu. Waņu gi imi ic imuhucya héņacgina mewésėmaņ. <sup>6</sup> Ic imuhucya suginaiguc tosara eneņ amaginaiguc emma embac bobologocya, kėpésic réwéria serima séwiac siņ hénia hénianėj hérémiyu keņkeņa imuhucya héréma énépésianzu. <sup>7</sup> Embac imuhucya imi nalé séc niniņ niņareņ wammu, néj ac héla niniņaiguc keremmuac séc qahac wamma. <sup>8</sup> Becnec Yane zéma Yambere<sup>c</sup> iereņ Moseac hazéc wammiyoc ésécnec ienej acguc ac hélawac hazéc wammianzu. Waņu ienej imi ewa qeriginanėj houyu ninzėj ninzėnac hėnaiguc keņ bipigic. <sup>9</sup> Waņu ic éréhéc ioraru hicņiyec ésécnec ienej acguc horua ménda keņgicnec hakagina qelaņa imi wininiyu hėndacmu.

**Pauloac pakeņ ac tetecgia.**

<sup>10</sup> Nuac pakeņ ac zéma wawaņ meme zéma ewa siņna zéma ninzėj ninzėj zéma luaenėj mambéc kekec zéma goi héihéi zéma nanaņ seliseli zéma <sup>11</sup> nunesi waņ nėnėņa zéma qenzeņ maņzeņ zéma Antiokia zéma Ikonion ama areņa yandaiguc haka biria wannėņgic imi zéma nunesi dimuhucya mihicņiyi imi geņ hélacnec hėndacma niņtegicnec ésécnec miņ kewuninanėj haka imuhucya igucnec ni metecgé néņec. <sup>12</sup> Waņu ic méņnėj méj Kristo Yesuac qeriaiguc kekec eeyaguc kecbiņ zé wammu ienej acguc ununesi mihicņimuac hezac. <sup>13</sup> Ic biria zéma ikoc ic ienej muņguc yanda biri seligima eņaņ ikoc waņ énécmigic imuhucyanec ikoc waņ énécmima kecmu. <sup>14</sup> Néj gi imi ackuažéc héiqelima ninzėņgėanzaņ imuac naņselima kecbésėmaņ. Mérenėj kugėņgic niņareņgėnec imi geņgaoc ninzaņ. <sup>15</sup> Waņu gi komocga igucnec kiwi téréya imi oloņ niņ

<sup>c</sup> 3:8 Yane zéma Yambere; Qac éréhéc yomi sisipac ac wahalaiguc ménda hezac, néj sasalanėj méra kiwi ic éréhéc Moseguc euma méra kiwi meyoc iorac qacgira zéma ninzėņgėanzaņ. (Mmh 7:11,22)

waŋaŋaŋ. Kiwi téréya iminéŋ mia kuhanéŋ niŋtegić qinŋtegić mihicni géŋu, Kristo Yesuac qeriaiguc ninzénŋ ninzénŋ késa keczaŋ, ninzénŋ ninzénŋ imuac héima namma aŋgénéŋ titi hia mihicniwésémaŋ. <sup>16</sup>Kiwi téréya imi moczoŋ Anutunéŋ hinocgé énécmiyu ogic. Imuac iminéŋ méra nénécmiyu pakeŋ zéma zémindi mindiŋi zéma meqeliqeli zéma kekeć solaŋawac qeriaiguc meefiefi ai hia mewiŋ. <sup>17</sup>Imi mia neŋaŋ Anutuac ichéra séc ai hiabia hénia hénia hia wambiŋac séc solaŋaniwiŋ niŋac imuhuc waŋ nénécmianzac.

**4** <sup>1</sup>Ni Anutuac kiwaiguc zéma Kristo Yesu kecma kic qeli zéma humumia momacnec niŋgési nénécmimac iwac hahaya zéma iwac héŋgaleŋ amaya niŋac wamma zéseligéŋzua. <sup>2</sup>Gi ackuažéc téréya imi zésai énécmiwésémaŋ. Nalé hia me nalé biriawac séc momacnec seliseli wamma ai imi mewésémaŋ. Waŋu réwéri horugiyu naŋselimanec ackuažéc iminéŋ ku énécmima késpedesigina zéasari énécmima ac zéénécmima meseli énécmiwésémaŋ. <sup>3</sup>Kecma nalé ménŋ hayu ic embac ieneŋ pakeŋ ac héla imuac andé unuma kiwi ic ikora tosara gezacgina siŋa méndacma eŋaŋ siŋinawac séc énéžégic méndac énécmimu. <sup>4</sup>Waŋu ac hélawac andé qema nemu surucac gezacgina haimu. <sup>5</sup>Waŋu gi mia ai imuac me imuac séc mesigi waŋamuma zéra waiya seligima buŋa suruc hiabia imuac ai wamma aiga imi séha séc meyacdacna.

<sup>6</sup>Ni waiŋ sese<sup>d</sup> ésécnec kekećna bec pocgéwa keŋkeŋ naléna imi ducŋima hazac. <sup>7</sup>Ni yaré hiabiawac qema hénia kemmaŋ zé zénéŋec imi keŋ metecgéma ninzénŋ ninzénŋna galeŋgéma kecaŋzua. <sup>8</sup>Imuac biaŋ kecma nuac niŋ wamma haka solaŋawac opoc nuac buŋa haiyu mambéćnawac hemac. Imi mia miŋ kewunina zégésigési ic solaŋa inéŋ mia nalé niŋu hezac imuaru ni némmac. Waŋu nenanec sac qahac ic embac Miŋ Kewunina muŋguc winini nénécmimac imuac waŋaŋzu moczoŋ yanda momacnec énécmimac.

<sup>9</sup>Gi focdac nuacmuru hawésémaŋ. <sup>10</sup>Dema imi baecac iwawai niŋac wamma wainémma Tesalonika ama areŋa yandaiguc keŋec. Waŋu Kreske imi Galatiaiguc, Tito imi Dalmatia baeciguc kendaroc. <sup>11</sup>Luka momacguc sac niguc keczac. Hamaŋ zé wamma Mareko wagicna momacnec hamaoc. Inéŋ ainawac méra nénéŋawac séc wanzac. <sup>12</sup>Tikiko mia méliwa Efeso ama areŋa yandaiguc keŋec. <sup>13</sup>Waŋu hamaŋ zé wamma hénawac malekuna Troa amaiguc Karpo iwac amaiguc hetecgé haiyi imi mema hawésémaŋ. Waŋu kiwina imi kiwi limbi limbiŋa tosara zéma kiwi yaŋ séwélanéŋ memeya imi momacnec mema hawésémaŋ. <sup>14</sup>Aiŋnéŋ iwawai meme ic Aleksande imi biria sasalanec wannéŋec imuac haka waŋec séciguc miŋ kewuninanéŋ tasé kumimac. <sup>15</sup>Gi acguc iwac mia galeŋ mewésémaŋ. Ic imi acnina selianec qećetali waŋ nénécmiyec.

<sup>d</sup> 4:6 Waiŋ sese; Žucmanaŋ ai mewiŋ zé nalé tosaraiguc doku me waiŋ pocgémiangic.

<sup>16</sup>Ni walac aciguc emma zéirecgéyi nalé imuaru ala méjnénj mén héipuc ménda wannemma moczoŋ wai néndacgic. Néj kápésic ginaguc ménda zé énécmimac niŋ wanzua. <sup>17</sup>Nej héna ac imi zésaiwa kerju ic enia ieneŋ nindacmu niŋac wamma Miŋ Kewuninanéŋ niguc namma meseli néŋec. Waŋu laion kuagina igucnec metecgé néŋec.<sup>e</sup> <sup>18</sup>Miŋ kewuninanéŋ nej kurumeŋac héŋgaleŋ amayaiguc keremmaŋ niŋac biria imuac me imuacnec metecgé némma aŋgérna timac. Imuac iwaru mia edamuya nalé tetecgia qahac hemac. Hélaecnec!

**Mozoc ac.**

<sup>19</sup>Priska zéma Akila zéma Onesiforo ionac ama geric momachéra yaizézéna énézéna. <sup>20</sup>Erasito imi Korinti ama areŋa yandaiguc waima kerec waŋu Tirofimo imi hafi kiyu Milete ama areŋa yandaiguc waima hayi. <sup>21</sup>Saŋeŋa naléya ménda ducŋiyu foc hawésémaŋ. Eubulo, Pude, Lino, Kilaudia zéma ala sasala ieneŋ imuhucyanec guac yaizézéga zézu. <sup>22</sup>Ni imi Miŋ Kewuninanéŋ guac ewa qerigaiguc momacnec kecmac niŋ wanzua. Ewa hiayanéŋ iniguc hemac.

---

<sup>e</sup> 4:17 Hésa ama igucnec mayec imuac séséc ac imuhuc zézac.